

IS MATERIALIS

Is materialis iscultòreus arrecuberaus in s'àrea de sa necròpoli pertocant figuras umanas, mollus de nuraxis e pedras fitas. Is istàtuas agatadas pertocant unus cantu iconografias de gherreis mascus.

Nci at arcieris, chi bistint una tònica curtza e oprigaus in petus, portant un'elmu a duus corrus in conca de anca essint trìcias longas; su bratzu de manu manca, oprigau de bàina e guantu, apoderat un'arcu. Su bratzu a manu dereta portat sa parti de in antis de su bratzu e sa manu aparaus in antis. Is gambas oprigadas a gambali. Is pùgilis, de contras, bistint a gunneddedda e funt a pituras in foras. S'oprigant sa conca cun un'iscudu chi apoderant cun sa manu manca posta asuba de sa conca, de contras sa manu dereta, oprigada a guantu, apoderat s'àtera parti de s'iscudu. Po su fatu ca non ddui at arrogalla chi non tenit de biri cun s'iconografia ammostada fait pensai chi ddui siant àteras figuras de gherrei chi non si connoscint ancora. Sa gràfica torrada de is istàtuas de Monti Prama fait ipotizai po is prus mannas un'artesa chi sartat is 2,50 m. Giai de seguru su mollu chi castiànt fiat cussus de is brunzetus figuraus, de anca innui is istàtuas de pedra torranted a pigai bastanti agualis is iconografias e is istilis.

Concas de gherreis in su laboratòriu de restàuru de Li Punti.

Bustus de gherreis in parti torraus a assentai, in su laboratòriu de Li Punti.

Cumpretant totu is documentus iscultòreus mollus pitius de pedra de nuraxis cumplexsus, trexi chi funt invècias a una turri siat de su tipu a una turri feti siat de su tipu cumplexsu. Mollu pitiu de nuraxi sèmprici.

Si biint, acabbendi, unas cantus pedras fitas, est a nai pedras sacras, iscurpidas in arenàrgiu e chi pertocant su tipu chi tzèrriant "Oragiana", est a nai de forma a conu truncau cun incàscius cuadrangolaris pagu asuta su puntu prus mannu. Custus materialis, gràtzias a su progetu culturali "Monti 'e Prama Prenda 'e Zenia" ddus ant postus, in su "Centro di Restauro e Conservazione" de sa Subrintendèntzia po is Benis Archeològicus de is Provìntzias de Sàssari e Nùoro in loc. Li Punti (Sàssari), a una carrera de istùdius, documentatzioni e restàuru, po ndi torrai a assentai is istàtuas.